



BOSNA I HERCEGOVINA
AGENCIJA ZA LIJEKOVE I MEDICINSKA SREDSTVA
БОСНА И ХЕРЦЕГОВИНА
АГЕНЦИЈА ЗА ЛИЈЕКОВЕ И МЕДИЦИНСКА СРЕДСТВА



Broj: 11-16.6-790-1/16
Datum: 26.02.2016. godine

Na osnovu člana 18. stav 1. i člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), člana 4. Pravilnika o postupku direktnog sporazuma („Službeni glasnik BiH“, broj 90/14) i člana 4. i 5. Pravilnika Agencije za lijekove i medicinska sredstva BiH interni broj:154/15 od 17.02.2015. godine, o postupku nabavke roba, usluga ili radova putem direktnog sporazuma, a postupajući po zahtjevu Kontrolnog laboratorija, broj: 11-16.6-790/16 od 19.02.2016.godine, Z-JN 45/16, u skladu sa stavkom R-12 Plana nabavki za 2016.godinu, v.d. direktor Agencije za lijekove i medicinska sredstva Bosne i Hercegovine, donosi

ODLUKU
o provođenju postupka direktnog sporazuma i izboru ponuđača za nabavku roba:
Termometri za mikrobiologiju

1. Odobrava se provođenje postupka javne nabavke roba: Termometri za mikrobiologiju, CPV 38412000-6 – Termometri, stavka Plana nabavki za 2016.godinu R-12.
2. Javna nabavka će se provesti po postupku direktnog sporazuma, zaključivanjem ugovora sa ponuđačem Sermikem d.o.o. Sarajevo, ul. Omladinska 44, 71320 Vogošća-Sarajevo, ID broj: 4200003250001, koji je na osnovu prethodnog ispitivanja tržišta dostavio tehnički zadovoljavajuću ponudu sa prihvatljivom cijenom za termometre za mikrobiologiju, koja bez PDV-a iznosi 2.984,20 KM, odnosno sa PDV-om 3.491,51 KM.
3. Za realizaciju ove odluke i zaključivanje ugovora zadužuje se Kontrolni laboratorij i Sektor za finansijske poslove.
4. Kriterij za dodjelu ugovora je najniža cijena.
5. Sastavni dio ove odluke je Zahtjev Kontrolnog laboratorija, broj: 11-16.6-790/16 od 19.02.2016.godine, Z-JN 45/16, koji je u svrhu ispitivanja cijena na tržištu u prilogu dostavio ponudu sa obrazloženjem za njeno prihvatanje.
6. Ova odluka stupa na snagu danom donošenja.

O b r a z l o ž e n j e

Kontrolni laboratorij Agencije podnio je zahtjev broj: 11-16.6-790/16 od 19.02.2016.godine, Z-JN 45/16 za nabavku roba: Termometri za mikrobiologiju.

Agencija za lijekove i medicinska sredstva Bosne i Hercegovine je dana 27.11.2015. godine pokrenula otvoreni postupak i objavila tendersku dokumentaciju na portalu e-nabavke između ostalog i za robu koja je predmet ove nabavke. Međutim za navedene termometre nije bilo ponuda. Podnosilac zahtjeva je dostavio zahtjev sa prijedlogom da se pokrene procedura nabavke putem direktnog postupka zbog hitnosti i zbog toga što navedene termometre treba nabaviti do eksternog audita. Ispitivanjem tržišta od strane podnosioca zahtjeva, putem pribavljanja ponuda ponuđača, pribavljena je jedna tehnički zadovoljavajuća ponuda, obzirom da se radi o nabavci koja je specifična i odnosi se na mali broj ponuđača na tržištu. Zahtjev za dostavljanje ponude upućen je sljedećim ponuđačima: Semikem d.o.o. Sarajevo, Primotronic d.o.o. Sarajevo, Kefo d.o.o. Istočno Sarajevo i Altera d.o.o. Banja Luka. Od svih navedenih ponuđača, samo je ponuđač Semikem d.o.o. Sarajevo, dostavio tehnički zadovoljavajuću ponudu broj: 519/16 od 16.02.2016. godine, koja bez PDV-a iznosi 2.984,20 KM. Ostali ponuđači nisu dostavili svoje ponude uz obrazloženje da nemaju predmetnu robu, odnosno da tehnički ne zadovoljavaju specifikaciju.

Sredstva za predmetnu nabavku su osigurana u Budžetu Agencije za 2016. godinu u iznosu od 3.491,51 KM sa PDV-om, na budžetskoj poziciji 613400 – Nabavka materijala, na ekonomskom kodu 613492- Troškovi sitnog inventara.

Imajući u vidu gore navedeno odlučeno je kao u dispozitivu.

DOSTAVITI :

1. Kontrolnoj laboratoriji,
2. Sektoru za finansijske poslove,
3. web – stranica,
4. a/a

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 301
E-mail: info@almbih.gov.ba
www.almbih.gov.ba

V.D. DIREKTOR

dr Aleksandar Zolak
Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 301
E-mail: info@almbih.gov.ba
www.almbih.gov.ba